

東川劉文簡公集

東川劉文簡公集卷之二十三

七言律詩

送王憲副赴山東

激揚誼頌大江西柱下如君未易齊
貳憲寧隨常格轉持心當與古人稽
望風從此應多去仕路相看幾不迷
自是花封舊民牧慣將甘雨沛黔黎

送邵國賢提學江西

文譽誰誇重士林甘棠在許正浮陰
欲將實學模當世肯使虛名負此心
鹿洞雲橫青壁聳鵝湖路遶碧波深
古今賢哲應相感翹首絃歌振好音

送劉伯儒繡衣刷卷雲南

萬里滇南觸暑行
望雲應似倚門情
繡衣却作斑衣舞
春酒還因壽酒傾
濯錦江頭秋水膩
浣花溪上午風清
此行真得還鄉樂
王事寧知自有程

按節遙看萬里行
十年燈火讀書情
豺狼此去聞風避
葵藿從來向日傾
椎髻未須論禮義
登車端欲慕澄清
碧鷄金馬非今事
正是雲衢第一程

送王隆吉太守赴開州

得第如君孰與倫
青春雲路錦袍新
登庸剩喜誇從仕
受任何妨試理人
城自澶淵名已勝
地元畿輔俗

還淳古來况復多賢跡發軔誰非出牧民

送郭魯瞻令濬縣

山陰別後尚懷思又向黎陽盡設施熟路舊經非險阻輕車此去任驅馳花封應喜沾殊澤栢府行看被寵私科目人材真不易循良如子更何疵

送路大尹之徐溝名子俊

百里除書聖主恩清才共喜遂鵬騫閭閻此日肩思息撫字何人跡尚存治譜已知傳傳琰其父亦諭作尹蒙端欲似馮元爲君翹首燕臺上燁燁新聲動

至尊

送陳大尹之孝感

墨綬銅章 寵命新幾年
懷抱得臨民 高風尚想鳴
琴宓華胄元歸下榻陳
楓陞從今違 日表花村終
夜待陽春與君雅有同門
好洗耳聲華滿路人

送楊浩然尹城武

釋褐朝趨覲 聖顏綰章深
荷 寵恩頒十年用志
烟霄上此日蜚聲 帝里間
系出關西歸世族地連
歷下近尼山好將事業師
前輩莫使經生與俗班

送柴蕙尹新化

二十年來故舊人 芝眉忽
喜得相親 一官新拜

彤庭上百里遙臨楚水濱製錦有才知素望下車何
日慰齊民間聞見說征求急好與陽城共等倫

送郭于藩調清河

系出林宗亦象賢作官豈讓細侯先一同安得專休
澤百里從教數改遷愧我疎慵直畫地於君忻羨若
臨淵栢臺指日膺超擢風采行看獨赫然

送趙大尹任銅梁濬

百里周遭繞碧山綰章從此亦開顏年豐穀價喜非
貴俗美蒲鞭尚可間鄉國地隣頻得信朝行夢入
幾趨班知君景行惟清獻琴鶴高風定許攀

送原善大使叔任安豐

桑梓纔違又二年寸心常逐白雲懸
喜君笑語來傾坐慰我庭闈思欲顛
爲別莫懷家獨遠作官須出衆爲賢
存心處處堪流澤世業從來只簡編

送侯邦秩尹臨淮

童稚相違幾十年笑談忽喜對樽前
士當出處應歸命治務庶平每在賢
花縣此行需撫字薇垣舊日仰旬宣
定知庭訓多經濟便有歌聲道路傳
夢繞霞城似昔年中山雙峙擁樓前
俗於禮讓還如舊論在閭閻亦識賢
名族何人非可慕愛民有

詔自能宣爲君細讀循良傳清白從來世世傳

台郡侯君邦秩余童稚友也不見者餘二十年至
領鄉書來始一會晤復去今年再會乃以尹臨淮
別賦此送之蓋台郡余少侍先祖宦遊猶及見其
先大夫方伯公簡重端恪凜然前輩風致君有
世守焉者臨淮之往其福星乎感今念昔情固不
能盡矣

送郭尹之任臨潼

十五年來喜識荆雅懷端不負書生一官簡命當
秦隴百里黔黎屬俊英牧愛應知思報國歌謠行

見著蜚聲臨岐寧厭頻頻祝豈但文場座主情

送王朝璋縉知定遠

一官拜命傍江濱地近南都俗亦淳禾黍盈盈迷
壟畝絃歌處處徹比隣持心不厭嫌違衆報國須
知在愛民自是君家多積慶名科先後步清塵

送李孟淵尹黃陂

曾共薇垣聽鹿鳴陽關不盡別離情風生潞渚征帆
穩月滿湘江仕路清經濟久知偏擅譽循良會見獨
蜚聲栢臺粉署君能事翹首重沾寵命榮

送余良潔尹鳳翔

十載鴻臚獨著聲花封共喜被恩榮故鄉不隔書
常至風俗還同政易成行色豈隨秋色淡才華應似
月華明久知喬木名吾蜀又見甘棠頌庶氓

送吳養正運判山東

尼山東望矗蒼蒼覽眺看君到上方舉目未能迷淺
近師心應得視羨牆一時周放歸經濟舊日風聲尚
播揚執手河梁無以贈此心端不逐時忙

送蹇州判益考績還任益忠定公族

忠定功勲百世存賢人又見出公門衣冠忽喜來相
訪風采應知自有源奏課銓曹居上考作官畿輔荷

殊恩好將 聖澤勤敷布莫遺桑麻有廢村

送劉天章貳尹崇德天章初令商水坐盜起

劫城謫降

仕路相逢幾舊人如君氣味獨爲親池魚豈意城門
火野雉方懷童子仁俗慕文儒歸向義堂名平易在
安民崇德有平易堂宋葛邲建心期未可便摧折多少賢豪屈復
仲

送吳廷鳳二尹縉雲乃公溥子

三十年前宴鹿鳴而翁文采獨蜚聲宦途憶別如星
散庭訓忻看有子成地近仙居應最善官於民牧要

非輕臨岐無限年家意撫字須勞荅 聖明

送沈企高判簿平原

百里平原屬俊才爲君不盡好懷開地推齊魯從來
勝俗尚詩書未始頽佐邑莫嫌仇氏棘馳聲更有石
生媒阿咸更喜非虛士屈指行看折桂來

送蔡中道教諭松陽縣

虎榜登庸喜著鞭宦遊浙水沐 恩偏地稱文獻元
無匹教說蘇湖未有肩模範年來誰獨立聲名此去
自能傳只今懷桷興歌處翹首渾疑北斗懸

送李直卿教諭江陵

十載韓窓對短檠凌雲志氣碧空橫 恩從 闕下
沾新命路向荆南問去程家近有親應可養官閒不
俗自多榮行行謾憶遊歌處坐擁臯比列俊英

送張祐舉人掌教當塗

魏闕承 恩下第時一經方喜擁臯比山連吳楚形
元勝地接蘇湖教亦宜振鐸謾懷程氏雪采芹還下
董生帷銓曹甲榜多新例萬里圖南任所之

送董遵司訓南昌

迢迢仕路大江西不負當年獨斷壘絳帳有人能避
席清宵是處可然藜廣文在我應非厭安定知君欲

與齊更喜高堂便就養絕裾誰復惜分携

送唐宗顏司訓南昌

廬山壁立水如城鼓篋詵詵總俊英拜命喜看當
此地橫經行見著新聲吏無案牘應非俗祿及庭闈
始是榮莫謂甲科違素志蘇湖今日尚知名

送王司訓赴寶豐

幾年藝苑最稱優纔見衣冠逐宦遊振鐸未論淹泮
水作官還喜在中州庭無俗事皆名教坐挹春風總
士流報國好將心自盡哲人聖主正敷求

送蔡珙司訓

束髮心知慕九峯雲仍爲喜偶相逢傳家不墜前人
業振鐸應堪後學宗黌舍月明新雪霽泮池春暖碧
波溶師承更得依山斗衿佩從今總奮庸

送潘榮司訓海門

十五年來故舊心每逢客使問佳音感君特地親垂
訪慰我停雲思不禁分教新看承寵命橫經佇聽
振儒林青衿多少依門下薄海風高尺雪深

送司訓

文獻家聲震蜀川一官喜復事丹鉛青雲不負誇前
輩絳帳猶看啓後賢百里人家沾聖化連宵燈火

照遺編爲君歆首游歌地模範高風洗耳傳

送劉舉人天和

尺書迢遞白雲邊千里歸心鎮日懸每憶庭闈常入
夢不親定省忽經年擔簦好向三湘路戲綵應期二
月天從此倚門心便慰鵬程須着祖生鞭

送劉昭著司訓嶺南

霜風撲面欲膠鬚匹馬相看向客途家學久知宗後
輩英聲端不愧文儒嶺南此去歸模範門下何緣接
步趨山斗至今如一日好懷 楓陛拜恩殊

送周世望下第還

通塞區區各一天越南冀北兩茫然對床漫說兒童
事屈指剛逾二十年此去好藏和氏璧重來須着祖
生鞭憑君爲語元方處鵬海扶搖望久專

送楊生赴試

秋賦誰從萬里歸英聲藝苑逐雲飛傳家自有屠龍
技落筆真成製錦機科第便看人共誦勲名尚欲世
相依深慙父執無爲贈閉戶惟期與衆違

送蕭俊千戶

帝里剛留半月餘春風常喜及吾廬塵談竟日皆堪
記虎畧當時幾得如彈鋏有歌侵客館繫駒無計駐

行車年來我亦多鄉思會向高堂話起居

送僧人還鄉

卓錫何年住此鄉百年香火有餘光斷碑尚可觀陳
跡絕頂應知是上方入定有僧違世網愛山多客負
詩囊慙予未遂登臨願望逐叢林日渺茫

送饒義官還鄉

聲華隱隱動泥蟠一命新沾改舊觀魏闕恩深方
展謝林泉思切便求安定知歸橐金無幾剩有詩篇
卷若干見說三郎能世業扶搖次第看鵬搏

送覺林弘麻上人還重慶

處處名山盡占僧覺林不獨古渝稱龍門月上常先得鴈塔雲橫幾共登好景忽看方外論鄉心漫逐客中增明年此日期相訪十笏禪房掛古藤

送醫士

家住齊東飲上池折肱何止號良醫勝遊京國路千里入夢江山天一涯橋井有泉能濟世杏林無日是閒時活人謾說多餘慶已見高名到處馳

錢伯誠石駙馬別墅次韻

漱泉亭上似新秋草樹陰陰石幽塵市久居常愛靜官曹無事不妨遊賞心便得林間趣慕古何須此

外求明發思君重翹首使旌渺渺潞河頭

楊石齋余世臣同錢馬汝礪於潘家莊并臨

河小亭賦二首

委巷潭潭地主家庭除雜植竹蕪花山堆卷石元非
假甕養遊魚若可以莫向當筵頻却酒須懷良會共
搏沙一時風物真堪賞欲賦無能似景差

綠樹陰濃日未斜茆亭清坐寂無譁遠山障北青如
畫流水從前曲似已遶棟朝聲林木震隔河人影竹
闌遮魯陽安得廻奔馭忽忽催歸噪暮鴉

宴杜鎮守南環翠亭

一亭突兀湧泉流時有清風不用求綠竹隔簾爭獻
秀奇花滿地自通幽公餘未厭尋常賞心遠非爲汗
漫遊爲國爲民多少事應知每向此中謀

已卯正月八日馬太守請遊真武山

曲徑登登最上頭琳宮縹緲白雲浮山環四面連天
碧水遶孤城學字流野樹迎春爭欲秀澗泉漱石更
通幽滿前佳景誰容厭却喜新年得勝遊

坐踏山巔俯瞰江萬家烟火舊名邦水分二派流來
合地接三川勢未降嘉會豈須論在野歌聲何用入
新腔歸途燈炬連街市風化應知政不龐

道出襄陽王憲副邀飲檀溪寺

出郭招提傍埜溪青山如戶蔽東西心懷探訪勞賢
主會喜賓朋合聚奎絲竹有聲林木震烟雲隨處上
方迷歸來記得如泥醉月滿長空柳滿堤

步入檀溪最上頭青山背擁水前流僧能愛客供清
茗月似依人助勝遊更僕未嫌宵漏永偷閒方喜竹
林幽窮途青眼知多少嘉會何時竟日留

次日復遊穀隱寺會王黃門

路出南門更指南江天埜道欲浮嵐山圍名寺迷幽
徑風度欹林滿法龕眼底相逢皆故舊客中何處不

清談人生聚散真蓬梗肯爲脩程促去驂
地主多情尚未休春風並轡上方遊地因勝槩多遺
跡寺有高僧不厭留急管繁絃頻勸酒山殺埜簌雜
陳羞黃門酷愛山中趣無與將軍細柳侔

次日王憲副孫進士餞別樊城郵亭

官柳森森夾道橫渭城不盡別離情王魯名德元無
敵孫楚才華籍有聲白戰漫爲文字飲赤心應爲故
人傾峴山翹首分岐後渭樹江雲萬里程

黃麻記得鎮襄陽叔子英標倍有光宦業久懷名栢
府家聲端不愧槐堂愛緣世契殊流輦酒爲心知每

倒觴十里江亭重回首數聲林鳥競斜陽

次涯翁雪酒詩韻

潑甕應憐出鼎烹一般風味十分清玉花只說終消
散竹葉誰能巧釀成垂法不嫌稱美祿釣詩端可得
新聲日來雅會慚無量心醉深懷伐木情

見說園茶雪水煮誰知此味更爲清飄來玉屑應難
聚釀出金波豈易成授簡謾懷司馬賦盍簪何用
秋聲胸中磊塊憑澆盡剩有思鄉戀闕情

次邃菴邀賞芍藥

綠擁紅粧花滿枝眼前奇品詫新知妍華映日開纔

編賞玩當筵喜未遲地僻豈能容俗污根深端不受
風歆爲憐品色非凡卉灌溉須教莫失期

次邃菴賞葵花韻

北海尊傾欲盡時漫看花朵正參差向陽不改生來
性詠物寧忘醉後詩直榦亭亭當露下新枝娜娜愛
風歆却懷舊日常相對歲月空驚暗裡移

佳會追陪喜及時一般庭樹幾參差感懷不用慵開
口對景從教漫賦詩日映花間偏艷麗風侵葉底半
斜欹沿堦把玩寧容厭舉步無妨緩緩移

次邃菴先生齋居迎駕

日煖龍旂綵色張百官鵠立珮蹒蹒露臺地切瞻
天近寶鼎烟浮撲面香祭向郊壇叨數與仕於世味
亦粗嘗極知遭遇無能報 聖德深懷載筆揚

後五月讌邃菴先生所敬所有詩四首亦次

其韻

長安街北禁城西客館天連雨露低得入門來纔見
羨到升堂處幾能齊相知自是傾肝膽偶會無容羨
忝鷄獨媿迂踈蒙折行詩篇常不惜分題

雅會何緣逐處同詩家今見浣花翁青青草色沿堦
上郁郁蘭香滿室中酒酌遠鄉非惡客曲翻新調笑

名公

時咸寧有四曲遂菴以其詞流於俚俗故歸來反其意爲新詞用歸於正是日歌之故云

不覺偏沾醉茗飲呼童索甚匆

坐隔紅塵咫尺間誰能高步出人寰盟心肯爲浮名
誤燕笑何嫌半日間窓外青山常似舊鏡中黑髮漸
多斑一時尊俎真非偶謾聽清歌滿耳還
傾耳忻聞鼓越吟不禁晝漏欲沉沉和平未必諧流
俗淡泊真能愜素心歡極客懷應過厚笑慚酒量獨
非深醉歸就枕藤床上夢裡猶聞太古音

次韻送宗伯吳先生

賓筵處處喜陪餐星聚應知有許難揮麈每看傾客

座續貂深覩入吟壇幾年雲樹空相憶此日琴尊具
共歡明發官舟潞河去誰從對酌勸杯乾
促席當年憶並餐相違何易會何難渴心不厭常接
轄交誼非因舊設壇思入愁城誰與破望來安堵幾
成歡知君經世多宏畧記取商霖濟歲乾

次北潭礪菴送悔軒宗伯 封王周府

魚軒纔慰北堂寒心在鄉山亦少安

時悔軒以盜警迎太夫人方到

使節忽傳過里巷歡聲先已到門闌九重恩澤從天
下千里雲山縱目看民瘼莫嫌一客訪南薰正入五
絃彈

路指南河引旆旌還鄉不是錦衣情展親剥喜持
封節乘傳無勞問耦耕此去光榮應異舊向來消息
况非輕賢藩父著河間譽回首憑君奏聖明

次一齋席上韻三首呈馬楊二先生

叔度風標世固稀連宵不見便多非心於彼此寧如
面語在詩書慢掩扉光映繁燈方燦爛凍含庭草待
芳菲開懷正伏杯中物潦倒何妨夜半歸

相逢獨恠笑談稀世事誰論是與非文字可能孤此
會月華更愛上空扉地隣北闕朝應近花滿西齋
煖自非剩欲勞君重下榻獨慙徐穉冒寒歸

路隔東西見面稀
會憐星聚孰云非
憂民有論風生坐
愛客何人晝掩扉
律管陽回須凍解
墨池雲映似花菲
此時此景應難得
更僕無由踏月歸

燕秦都憲國聲水亭次壁間韻

栢府閒閒晝不扃
登堂徐步入池亭
澄源爲愛心無汨
涵碧應看眼獨醒
柳嘯鶯聲垂野渚
月明鴈影滿沙汀
從來勲業非無自
謾對雲山擁翠屏

次秦都憲國聲過鼎湖

掛帆湖口趁風過
倚棹誰爲歎乃歌
望入山容橫翠黛
光浮日影漾金波
湘江一派源來遠
楚水分流地

占多目極天南重回首不禁鄉思欲如何

次吳通政三利溪

一竅潜通遠接溪舳艫先後若相携乾坤無地不爲利今古何人得指迷樓鳳坐看帆影亂負鰲望入浪痕低從來遺跡知多少鱣徙當令共品題

次克厚病中寫懷韻

兀坐幽齋卻暑烝病懷誰逐客懷增湏知勲業終名世莫厭蕭條欲逼僧此日化龍嗟尚未古人捫虱亦嘗魯樗材忝竊大官食感慨因君謾自憎

憐君豈但惜三餘口誦心惟日不虛制作誰能當健

筆遭逢尚未脫寒練笑看紫闥應非遠坐對青燈只
自如愧我當年迷五色無由爲上薦賢書

會飲邦彥宅次克溫韻

衝雪誰憐去路賒可人先已赴東家

東三客先至

坐因怯

冷頻添火燈爲占祥累放花飲罷不知更漏求雲移
稍見斗杓斜目來有會皆真率紀興新詩更足誇

投轄無須興自賒相知况復是年家合歡但酌屠蘇
酒勸飲誰歌玉樹花積雪夜深盈尺厚篆香風動繞
筵斜一年開口能逢幾喜會如今豈浪誇

酒盡芳尊尚欲賒烘堂笑語徹隣家三薰滿座侵香

味六出彌空散雪花飲愛清茶應已醉坐歌鳥几不
知斜歸來馬上俱沾濕剩有餘歡祇自誇

歸來踏雪路偏賒下馬方知是到家擁火却憐東郭
履探梅漫憶北枝花大街拆韻應將息半榻香烟尚
自斜案上南華乘醉讀高風須向古人誇

齋居次秉德韻

方丈虛懷效揭虔龍涎滿爇自悠然紅塵未許侵禪
座清夢常看到客氍對席有基驅暇日感時無計駐
華年同官竊幸多知己每在風騷可佩玆

次司直韻

齋居不厭向僧菴靜愛禪家欲一叅對榻官寮纔滿
二坐談賓主僅成三松花自愧違塵案貝葉誰翻聚
法龕翹首心齋渾未得紛紛俗狀戰方酣

次韻賀邦彥生子

掌珠深喜慰彷徨祈嗣無須更覓方懷王嘉祥應父
兆弄璋新宴却初嘗食牛此日夸徐氏好學他年笑
樂羊萬石從來傳漢史于今世業又教強

次邦彥韻咏克溫燈是日未果赴約也

見說君家列翠屏青燈照影百花明恍疑人物烘堂
出似有雲山隔座橫自是風標渾不厭欲求精巧未

東坡全集卷之二十一
能更奇觀適沮趨嘉會孤負元宵徹曉晴

次韻送邦秀繡衣巡按甘肅

白簡常飛六月霜先聲應已到西羌觀風暫入金城
地望闕寧忘玉笋行爲喜登車酬素志誰夸挾節
過仙鄉青箱不用傳當世聳壑方看見此郎

豪氣憐君隘九州清時常切救時憂年來治狀應多
歷此去民情不費搜木繡肯教空慕漢省方還欲直
依周爲君極目巡游處分閫防邊幾列侯

汜水回轅未遂攀共看風采欲搖山暫教簪筆辭
楓陛便有隨車沛王闕南郭此時懷別路西堂何處

憶聯班昨宵翹首中天上執法明明斗漢間
清風滿路逐霜蹄道左遙迎雜漢氏塞上有軍通節
制官中無弊不勾稽引裾氣槩誰能並攬轡聲華欲
與齊別後爲君應洗耳民謠士誦溢關西

次韓裕後憲副福建留別

百越山川濱海嶠昌黎風采屬奇才十年訊鞫推前
輩此日澄清豁壯懷冠擁觸邪驚按部詩成紀德頌
行臺遙知回首歸何處總憲新懸帶下牌

執法名高德與并八閩按節愜輿情官於外服監司
重人得先聲笑語傾畫舫不羈燕北路冰壺遙映粵

南程停雲彼此成新憶萬里江天月共明

御史廬師邵熊尚弼在席中對菊詩次韻荅之

仙種移來幾許長當筵屹立正芬芳盈盈眼底爭秋
艷的的枝頭映日黃耽玩便教多逸興清吟誰得厭
詩狂更憐飽歷風霜慣纔到明朝又向陽

歲華倏忽過重陽把酒看花未是狂嘉會誰能爲眼
白歸期且喜見眉黃跡非俗態心堪慕名共秋香晚
更芳從此雪山倍增重一臺二妙去思長

聞琴奏明妃出塞曲次韻二首

指下誰操出塞吟風沙眯目色沉沉玉顏雖稱寧胡
號金屋難忘慕漢心萬里黃雲春自暮百年青塚草
猶深古來不遇多如此尚得名傳在樂音
一曲琅然應指吟含羞去國日西沉和親誰畫當時
計哀怨常留後世心
纔帳夜寒胡月暗玉門路阻塞
雲深至今南郡村猶在不但令人感妙音

次登君山

幾度君山未一過無端客思扣舷歌
墜迷草樹輕籠霧影浸樓臺
浩湧波平地水光看鏡淨連天
野色豁眸多若教登眺應無際
勝槩空懷可奈何

題吳宗伯寧菴予在次石司成韻

出門擁翠即家山名利何人獨透關
塵夢不侵仙枕裡笑聲常在竹林間
喜從三徑開新業誰用千金覓大還
自此地因人益勝濟時只恐未能閒

見說名在意外新如君風韻固爲真
結鄰最喜山多近愛客常嫌會不頻
坐隔市廛非避世閒遊壠畝可怡神
因君謾憶龍門上欲學前賢一問身

康衢喜見世昇平禾黍家家歲有成
步入田園應識主坐看花鳥不知名
樵歌隱隱風前度童牧器簫月下迎
最是此中佳景致問閭安得盡從耕

隔斷紅塵入草萊幽齋常有可人來清標不厭庭前
竹冷並偏憐野外梅名似平泉綠我命地非空谷自
今開吾儒生計歸耕讀不是偷閒慕釣臺

和秉德 慶成宴詩

聖主方度格 帝心慶成宴賜 大廷春釣天樂震
伶人奏仙仗光輝衛士陳香滿御筵知盛典食無遠
物貴常珍小臣百拜叨 君賜天保惟歌答 至仁

又自作

精誠昭格 帝如臨慶禮初成協 聖心驚羽趨蹌
瞻 日表龍樓咫尺振韶音班當文石春生坐帽壓

宮花酒滿斟欲爲 明時歌盛事新詩不愧醉餘吟

癸酉清明謁 陵和敬所少宰韻

鎮日風塵撲面黃 慣經道路亦偏長 倦懷蕭寺堪依
客坐入禪房 耶跼踈世事說來多可怪 名賢詩在在
餘香振衣獨立高岡上 蝸角紛紛苦自忙

皓月初升祀禮成 趣歸馬首逐群行 路緣舊歷知非
險事與時新 覺幾更秋實縱教多利用 春花還是可
怡情 眼前不盡憂民意 厚祿真慙負 聖明

晨務誰驚有許忙 林花又見逐時芳 居民無地能逃
稅爲令何人解課桑 雲漢從今應望雨 蕭田行見可

求箱更憐出土青青麥童牧殷勤莫縱羊

和楊名父考功 東角門問安

幾日 君王免視朝憂民何止十分勞醫師願進安
心藥方朔無須獻壽桃 聖德在天膺眷顧黔黎擊
壤荷鈞陶愚臣幸厠螭頭列日想紅雲擁 赭袍

和馬先生禁直韻

內直年來不得同常懷並坐挹春風西山簾捲雲屯
白上苑花開日映紅楓禁自無塵夢繞杏壇且有辨
香通臯比擁處書程了清思應歸六義中

因分直馬先生以詩慰疏闊奉荅一首

東坡全集卷之二十三
分行博得一時閒
芝宇無由接笑顏
注想清談當禁院
歸思白戰望青山
春風坐上心常切
咫尺城南會亦慳
忽得新詩慰愁寂
沿堦花草自殷殷

和士脩夜直秋臺

夜堂燈火怯深寒
更僕傳詩拂几看
最喜拔茅當此世
空慙竊祿具儒官
黑頭入仕恩方渥
丹筆回春墨未乾
好爲聖明流德澤
協中事業豈爲難

和吳學士丁祀會東廂

屈指離居豈但公
笑談忽忽夜方中
會當別久情無盡
坐共相知喜不同
爽氣襲人消薄暑
異香撲面逐

清風趨陪歲事歸來後却羨朱衣獨引騶

和劉宗伯司直慶陳都憲汝礪 賜王帶詩
寶玉光騰束帶新喜看 特賜出 楓宸論功自是
當名世荷 寵從來獨異人命服有章皆不賤儒紳
得此始爲珍知公報 國惟忠赤
聖主傾心重舊臣

涯翁閣老惠胡桃兼示及詩用韻奉謝

珠玉誰將賜果來便從盤手剝封開甘瓢適口應爲
美堅殼爲人未可倩珍異自知非易種孤高却愛幾
能培千金一字猶難得物貴何須在百枚

和邃菴太宰賞紅梅

冷蘂踈枝傍水涯
鄉心逐夢白雲賒
年來忽見開京國
春到應知自帝家
共愛清香非俗品
誰憐頃刻有仙花
巡簷漫爾多佳興
欲賦無能獨浪誇
衝寒偶見此花枝
心賞那能獨負之
看似與桃爭麗色
開常帶雪在春時
西岡剩說當年事
東壁虛傳舊日詩
愁緒無端侵客邸
好將清景付金卮

再和韻二首

一枝春色浩無涯
着眼應知興自賒
不謂他鄉思遠物
獨憐清景在詩家
凌寒元有冰霜操
論格寧同富

賞花二十年來纔見此何妨酩酊向人誇
芳艷逢春綴滿枝縱觀何處不宜之名因勝賞知多
日心欲窮探恐後時勁節最憐偏戾俗高情未厭數
吟詩蕭然不盡幽閒趣賞玩寧辭酒漾卮

和遂菴苦雨

秋來豈是月離畢不盡愁懷強賦詩環堵會看多轉
徙衡門寧許獨棲遲未能西海求河伯欲效昌黎訟
雨師肉食空慙無少補清齋兀坐謾支頤

雲歛東西恰似晴忽驚掣電逐龍行忘憂縱有堦前
草盪寇應憐道上兵望入長空非霽色坐懷委巷少

東川集卷之三
歡聲 廟堂獨喜多賢輔振抹無勞漫繫情

和苦雨聯句呈邃菴北潭二先生

虹見何當望眼迷密雲不但起郊西
樞末入戶如居澤積潦行人似涉溪
漏室欲眠心未放愁城難破酒空携
陰晴每卜無由驗吐綬安從爲覓鷄

雲漢無因轉乞晴抹災何計慰蒼生
人間信說天多漏地上時看水忽平
百畝田家應舐望數椽茆屋幾墮成
黑甜正欲憑消遣何處鷄聲入夢驚

一雨連旬又涉秋不禁客况擾心頭
屋廬最苦偏多塌金石翻思欲一流
西寇經年纔得捷東征何日可

無憂民勞久矣重遭此借箸惟思及早籌

和楊月湖宗伯登報恩寺塔韻

層臺突兀杳蒼茫涉級風清欲透裳望入雲山渾不
斷心遊混沌若無方由來履險須思退任是登高未
許狂撫景令人增感慨幾多泪沒利名場

和悔軒宗伯韻其詩有不能忘情於南北者

故辭意多解嘲也

蔽芾風生道上樗行行誰不避尚書榮田故里方爭
慕閒說官曹更不如論俗幾人能特立持心有道自
寬舒江山况復多佳麗莫惜詩篇數起予

和碧川楊少宰四韻 進呈會典

體製新裁未有初煩文多少盡刪除會成百世通行
典閱徧 當朝舊著書史館編摩才告畢 聖心繼
述亦應舒文章有用須經濟試檢陳編幾不如

和謝禮侍慰劉司馬喪子二首

頭月何緣慰倚門不禁清淚洒朝昏劬勞空歷詩人
苦幹蠱誰將易象論尚有分甘家可託未須埋氣
常吞古來世業垂青史繩武還多祖與孫

不憂安得似東門豈獨鍾情習俗昏懷王應憐異時
夢負薪何止古人論傳家清白真能繼浮世功名未

受吞靈爽忽如駒過隙獨將簪笏付諸孫

和馬先生浴室吟

蕭寺齋居正孟春乘閒謾滌化衣塵身當澡淪懷前
哲銘在盤盂重自新汲水無源應易濁養心有要可
通神歸來檢點平生事浴德空慙負古人

步入堂東亦快哉沿堦誰爲剗蒿萊白迷四壁生虛
室水注清池漬石臺黔突不教經眼下溫泉疑是幾
時來偶緣公事成新浴安得尋常爲我開

注玉無端漾綠漪一回一浴亦堪疑淺深有量非能
益冷暖於人祇自知掬水載澆除宿垢振衣徐步紀

新詩此堂若得無開閉日日相親勝習池

和馬先生韻 詠雪

玉屑堆堆壓柳條白迷宇宙靚粧饒折綿應怯囚書
室按轡誰憐度板橋謾憶羊羔頻送煖獨將桴柁旋
添燒撒鹽兒女真輸絮縱目庭除倩筆描

凍結西簷綴玉條平鋪飾穢十分饒酒懷不厭趨燕
市詩思誰憐在灞橋寒愛擁裘心爲煖貧能易粟火
無燒 九重民瘼勤宵旰圖獻深懷欲載描

朔風瓊屑滿枝條粧點江山境界饒白詫鷄聲鳴夜
月滑驚馬足度官橋潛師李愬功初捷閉戶袁安火

未燒試向庭闌頻眺望喜將筆墨縱心描

夜半風聲飄朔雪漫漫乘興竟何之六花共詫天成
巧三白翻嫌瑞兆遲凍合閉門驚入刺寒增擁被怯
吟詩端居祗爲吾人賀大有明年定可期

和馬先生介夫宅上韻因老先生歸爲慰也

策馬來乘此日閒謾將笑語慰愁顏坐看勝負歸柯
局心在庭闌望蜀山定省五年於我曠別離三日爲
君慳倚闌花草如相慰獨立薰風埜色殷

苟令香薰一榻閒清尊聊爲解君顏對談不敢論時
事愛日惟多念故山住隔東西應自遠情於彼此未

東川集卷之二十三
容慳倦來偶向書齋過樹樹榴花午正殷

又和冬至寫懷

幾年仕路薄相知被命多君偶共之緩步渾忘趨
走苦劇談不厭退歸遲倚麻應獻彈冠慶麗澤深懷
伐木詩世事眼前堪太息歲寒寧負此心期

庭闈萬里尺書知定省無因一慰之仕國食浮嫌
出早寧親例格恨歸遲清閒自笑慵開卷太瘦非因
苦和詩幾度天涯慶長至白雲漫憶到家期

迂拙寧堪世所知茫茫岐路欲何之思君一飯猶爲
厚退直終宵敢厭遲志大空懷稽古力才疎端負伐

檀詩但將所性酬 明主用舍隨人了不期
鍾聲初徹開瓊戶咫尺 天顏喜見之瑞靄碧霄星
隱漸光浮 寶殿日升遲履長應愧同卿制祝壽惟
歌定爾詩佳節重逢頻感慨歸寧未可卜前期

和馬先生苦雨

坐掩書齋一枕閒森森銀竹喚愁顏月行此日疑從
畢雲暗通霄聖失山卜在蟻封應轉恨時當龜拆却
如怪庭前花樹忽經眼覺得扶踈昨尚殷

官曹事簡喜閒閒久雨無愁亦強顏屋漏寧堪泥滿
地天空不見霧濛山埜禾此日憂方切斗米當時價

轉慳極目庭除望虹卦且看畦菜闢晴殷

和馬先生韻

五年冀北飄蓬梗雪滿園林不見梅義重可能違世
俗才踈無地效涓埃班聯鴛鴦心應愧思入庭闈夢
幾回先輩感君交誼厚詩懷時爲野人開

和吳學士苦雨

片雲纔合雨霏霏翹首空然望日暉縱有好懷應對
酒不堪濕氣每沾衣花開埜圃遊蜂少路隔山樵舉
火稀却笑長安幾多客紛紛策蹇踏泥歸

通衢望望似滄浪入戶俄驚雨滿牀惡濕未應居下

地乞晴何處覓奇方嘉禾浸埜空成粒蓄水含雲欲
作塘最苦閭閻重遭厄重門無計避探囊

又用前韻荅石齋先生

爲訪關西得得來雪殘鳩鵲浸踈梅火爐送煖消寒
氣盡舫無風絕遠埃香滿芝蘭心願入會兼鷄黍醉
忘回龍門記得初登後青眼時時爲我開

和蔣誠之少司徒會乃弟閣老詩

伯氏吹埴仲氏篴二龍未許擅當時鴈行忽並應非
偶棣萼交輝更是奇連壁聲稱人共慕對床笑語自
相宜却懷此興誰能似無限鄉心入夢思

和吳先生在維之席上韻

蠟炬高烧晚照紅
主賓此會志趣同
肆筵不爲敦行
常交誼相期戒谷風
詩向醉餘憑送酒
月從夜半掛
當空主人何用投
陳轡在坐應無說

東

西堂晚酌夕陽紅
嘉會深懷偶不同
去住未如齊楚
地笑談似共馬牛
風詩當韻險偏成
巧酒爲情投自
不空更欲相期訪
安道卜居寧得
禁城東

和林都憲見素韻

滿野淒風衆口訾
深慙無計慰民勞
誅求誰免公家
歛絡繹空矜蒨屋
逃寇殄一方歸
妙筭名垂千古重

吾曹幾回翹首閩山望風節峻嶒欲與高
宦海風騰浪湧銀艤舟纔覺是閒身迷途逐逐誰能
悟世事憧憧日見新勲業如公名自稱山林於我夢
應頻塵襟欲滌歸何處路隔雲林莫問津

和林見素登平梁城

登臨漫憶當時事雉堞空餘舊日基國有詒謀應可
立地非設險豈容支百年烽火誰能息千里江山獨
不移撫景令人頻感慨淡煙寒霧鎖榆籬

跋涉何當入舊城山圍水繞有餘清露碑帶蘚斜依
經莖草含花遠映晴是處便應爲勝地高風誰不慕

完名崔符蕩滅渾閒事前席方墜 聖主情

和劉亞卿文煥韻兼書所感

甲榜叨同每合歡酒懷媿不步兵寬士如山立應非
易時逐波流恐未難清節在公家世重高風隨處此
心安 朝端翹首思鳴珮白簡當年聳法冠

神交千里自相歡

元昌以夢中
會晤故有作

心爲憂時苦未寬每

向仕途看好尚幾從民瘼究艱難深慙孤跡非遺佚
無計明庭獻治安後福也知趨俗易盟心寧肯負儒
冠

和韻二首

蠡爾崔苻動 聖心貔貅幾萬擁如林捷音纔自軍
前奏頌德俄看道上吟威武信知兵有法謀猷不愧
國之琛從今虐燄應皆熄始亂傳來已盡擒

蜀寇始亂時已

捷奏

拂拂和風逐日來長空陰沴豁然開非緣寇黨無多
智自是 皇家有異才鼓枻漫看舟子渡荷鋤重見
埜農栽 君王軫念民勞久捷奏應知亦舉杯

和許文厚與熊尚友話舊

久別相看意氣新未應傾蓋便爲真斷金剩欲師前
輩同榜湏知異路人每爲彈冠私致喜誰將執袂獨

論親聚星昨夜歸何處紅燭高烧滿座春

宦海風波日日新交情誰識故鄉真騷壇不厭嚴詩
令尊酒何須論主人此會話談應可念一時朋輩孰
爲親鹿鳴回首薇垣上忽忽紅塵幾度春

論文話舊歲方新鷄黍粗陳意自真風淨花堦如掃
徑香侵蘭室似懷人笑談幸有青雲客定省難忘白
髮親十五年來同夢覺多君宦業共陽春

相知豈是白頭新同榜同庚幾許真對月謾看談往
事感時不獨慕前人十年去住鴻音遠此日謹呼塵
尾親屈指重來在何許乘驄幾豸正明春

仕路同沾雨露新
愛君報國認偏真
持心未見隨流俗
垂譽應堪配古人
爲憶盍簪時已久
何妨促膝日相親
只愁諸暨多黔首
目斷回轅浙水春

許渾詩篇句句新
只看咀嚼見情真
開心自信違時好
翻手應懷笑哲人
坐拂楸枰相對着
醉於壺矢不
忘親花封明日
隔千里莫惜寒梅折
寄春

麗藻憐君議論新
何須醉後見天真
管絃不用聊從好
風月相看自可人
明發離群驚遠別
日來握手喜
常親定知消息行
膺召未許先秋不
遇春

蕭蕭官舍客懷新
誰枉高軒樂意真
明月當樓如對

語香風滿座欲薰人愛民有術君應試交道能全我
幸親見說天台多惠政甘棠常似獨逢春

英標乍會盎然新不羨風流賀季真酒向知心難滿
量基逢敵手却驚人停雲每動淵明恩刻燭才從子
建親爲愛牛刀臨小邑絃歌何怪萬家春

詩才最愛脫尖新若比元和亦逼真政冗君非偶俗
吏官閒我愧讀書人鳴琴欲聽三年化投轄何妨半
餉親斗柄任教依漏轉呼童還煮建溪春

和聯句送石潭韻

簡命誼傳下 九天一方人物共忻然喜看甄拔皆

名士錄出文章總大篇自是持心思報主由來爲
國在登賢渴懷無限相違久擊楫何當話別筵

和邦瑞聞邊報

胡馬誰傳若撼山犁庭無計慰天顏腥羶未必能
踰境豫備何妨重守關竟日經營成底事臨時賜予
尚須頒九重廟筭應難測洗耳王師聽勞還

和韻賦五馬行春

簡命元非爲繭絲忠勤安得負明時閭閻有病思
投劑談笑無心欲飲卮周圍共憐同雉兔楚風寧復
論雄雌使君憂樂懷前哲流俗區區任說癡

和錢與謙頌曆

寶鼎香薰滿禁闈
鍾聲初震歎
瑤扉曆傳紫
極隨班賜雲映
宮城遶
殿飛樂奏中和鳴律呂
政齊
宵旰察璿璣小臣叨切慙無補面拂霜風汗
濕衣

因與譙索詩再和前韻

醉顏深映笑顏紅
會合斯文自不同
若水已知天下
士孝先真有古人風
芝蘭室滿香薰坐
珠玉詩成眼
見空桃李不慙微
厚報奚奴極目華門東

和克溫詠雪

皚皚壓樹噤無號誰剪璫花不見勞綠繞堤邊知地
缺白連天外失山高却看江上真成畫爲憶淮西欲
豎毛幸際聖明無一事烹茶不厭涌雲濤
寂寂無聞萬竅號只看滕六亦偏勞平鋪遍飾泥途
穢密洒還增戍壘高道路誰憐披鶴氅兒童爭訝兩
鵞毛閉門贏得今宵卧坐擁寒爐酌翠濤

又用韻和雪山

忍凍從教墊雀號愛山不憚作山勞立當塔下盈弓
近望倚庭空聳壑高向日縱能潛化玉迎風無計可
吹毛周遭森漫如銀海剌欲乘舟駕怒濤

折竹雄風繞戶號
瑤山誰作不辭勞
心如太史元非小
興比愚公豈但高
幸有詩篇隨驥尾
欲將世事等鴻毛
連宵且得供清玩
未許先憂變作濤

再用韻二首

雪風墮指滿途號
誰作山形漫爾勞
喜見青腰忽紛降
坐看銀鹿漸成高
稜層不用菱溪石
樹殖寧容沼沚毛
好與老泉山共記
詞源莫靳瀉波濤
爲山誰說恐驚號
數簣元無九仞勞
我亦好奇同此賞
君能用智出人高
冷風凍合真疑玉
旭日光凝可鑑毛
適意何須求恠石
眼前多少是汹濤

再用韻詠雪

城柝依稀夜不號，閉門擁被尚嫌勞。
清寒較逐心兵甚，空闊疑增眼界高。
敢厭終朝耽竹葉，却懷來歲潤田毛。
濛濛塵浪歸何處，亦似無風海不濤。

和九日賞菊

酒有黃華量覺寬，誰將致坐中看。
品流隱逸多鍾愛，節勁風霜獨飽飡。
佳色謾勞奇頃刻，落英不爲冒新寒。
吾儕此會須開口，明日東籬漸覺殘。

和正之韻

慶成共喜御筵開，百辟趨廷聖主陪。
文武班分

當陞隔旌旗雲繞帶香來和風暖曝春初日湛露恩
承坐上杯典則謾誇周燕重獨慙尸素近鸞臺

和維之韻

九重賜宴喜頻沾劍戟森森擁陸塵翠飾金蓮光映
殿晴熏赤羽色侵簷新聲似有仙凡隔妙戲猶憐雅
俗兼勝事滿前吟不盡疎才欲賦筆空枯

和維之齋居寺中

長明輝映佛頭青睡鴨烟浮蒲座馨因事何妨歸白
社清談誰厭及黃庭月移梅影參當午風度更聲夜
入丁三日齋居真不惡白雲常爲護禪扃

和維之惠移居詩

軟紅不厭逐東華
剩喜比隣總大家
卜築得依王翰宅
多情共愛紫荊花
地連霄漢雲圍戶
門對宮牆柳列衙
從此詩筒應可遞
獨慙才劣擦銅沙

和叅政弟致仕韻

身輕纔信是無官
晨起何妨日幾竿
仕有窮通寧用論
心常檢點却多歡
家傳舊業從頭理
書向閒時任意觀
自此光陰應屬我
好筭白酒醉團樂

和盧繡衣陪石齋浣花草堂

盛代詩名跡尚遺
勝遊安得一相隨
西郊此日多懷

古久客當年未有貲問柳尋花歸野興感時憂

國動遐思致君堯舜蒼生望願誦康衢擊壤詩

和盧侍御西巡贈言詩韻

乘驄到處雉如馴馬首青山景亦新寒谷春回知憲
節秋空雲斂見蒼旻激揚不負朝廷任道路寧辭
跋涉親自是隨車足甘雨向來赤地也生蘋

和盧御史遊五福宮韻

地居絕頂喜躋攀清宴何當鎮日閒樓閣參差橫野
市雲林突兀出塵寰望懷遠樹叢幽谷坐愛浮烟擁
碧山翹首帝京渺何許無端憂思入眉間

琳宮縹緲冠渝州。陟級纔陪到上頭。簾捲青山當戶
擁江環綠水。傍城收。登高便覺非平地。涉險應懷不
繫舟。世事如棋。談未易得。君爲免幾多愁。

和熊御史清風亭韻送盧御史

使節東趨覲帝都。攀轅何限計何無。澄清不負范
滂志。獻納常懷李恂圖。每見先憂思。後樂肯教廊廟
異。江湖過家遙想拜家慶。未許王臣得憶鱸。

和盧侍御除夕涪江野泊

明朝歲律又更新。彩鷁應懷錦水濱。夢入吳江知遠
別心傾。魏闕感良辰。埋輪已見平生志。賜告寧

私報 主身色養也知非祿養濟時須是屬賢人

再和盧御史韻

閒裡悠悠化日長
喜看秋菊擅幽芳
荔枝未見當時白
都勝應如此種黃
酒爲忘形先自醉
棋思勝敵不知狂
相逢雅會能多少
來月將臨又一陽

來月將臨又一陽
喜逢開口欲如狂
令嚴戲局時浮白
坐對名花獨愛黃
富貴任教誇紫色
冰霜誰似播紅芳
多君比德尋常事
文燄還看萬丈長

和馬汝礪郡亭偶書韻用以贈八首

世事何須論積薪
長才端不混泥塵
提封任重承宣

寄報國心堅夙夜寅寅况可教分内外民謠常見誦
陽春與君不但同年好謾有心旌逐去津

白雲聲價信非誣千里專城亦美除得失任人心自
了江山滿目樂何如清風萬古歸黃閣事業三分在
中廬壯志先賢應不讓無餘常爲誦渠渠

妙年 宵旰待分憂龐驥真看暫屈州清白有聲傳
上下功名無嘆不公侯詩開蓮社惟宗杜政尚蒲鞭
獨慕劉如此左遷應不盡循行處處起歌謳

雲山渺渺渭城牽驛路迢迢意萬千聯珮謾懷趨
關日食草尚記識荆年心常愛靜寧能靜事欲求全

未得全爲憶君家有餘慶芝蘭種穫似良田

燁燁才華御史章叙遷聊亦慰彷徨喜君脫穎當名
郡愧我隨行汙省郎遠到自知歸大器餘光應得被
同鄉每因談笑傾山斗民事何人似飽嘗

人生何處不爲適世網誰能便自囚霜滿林間紅樹
合山橫窓外白雲浮馳聲已許無雙士考論元歸第
一流縮地安能陪語笑琢磨無忝舊同遊

定省時來意亦便庭闈何必重留連黃堂不假來施
惠粉署何緣欲省慙最喜知名非舊日尚懷傾盖似
當年別君多少停雲思謾檢藏詩取次詮

史筆詩才奪化工名家父子獨推公願爲卜築依王
翰喜復通家似孔融馬首有山橫去路夜闌無夢繞
西充玉堂聲價青霄上眼底何人並若翁

和翟貳守韻二首

聖恩選秩喜新覃馳賀無由亦可慙甲榜累科雖過
十官階五品僅逾三余鄉榜登第者十七人而五品者才四人天顏咫尺
應常念民事艱難獨飽諳鄉國白眉須讓子濟時勲
業後人看

清才應得記 吾皇剡䟽時時奏建章舊日平交同
雨露十年節操勁風霜立功還見終銘鼎懷異寧能

滯守疆為想郡齋公暇後幾回清夢繞西廊

和安慶余忠宣祠韻

當年經畧出訐謨功在人心自不蕪能激沙班為國

士莫徭蠻反右丞沙班當帥師堅不往忠宣語之曰

遂行沙班更平石蕩盡田夫先是盜起忠宣集有司與

築堡若選精甲外捍而耕稼於可憐忠義沉清水趙

中至是盜據石蕩湖出兵平之勝陳友諒及詳盜四面蟻集外無援忠宣以孤軍血

戰斬首無算城陷城中火起忠宣知不可為遂引刀

自刎墮清水塘不但從容死女孥忠宣妻子皆赴井死同支

和九江李忠文崇烈祠韻

厦也知非一木平生經術豈容孤忠宣留意經術

板蕩汹汹盡弃城潯陽誰奮獨屯兵每持忠義激厲

士

盜起河南北忠文於九江治城壞募丁壯分守要害每推牛饗士激忠義以作士氣賊渡江忠文雖

孤

立詞氣益奮厲時黃梅縣主簿也孫帖木兒顧出擊賊忠文大喜向天灑酒與誓尋賊至忠文出戰帖

本

兒繼進賊大敗殺獲二肯負君王總管名忠文江萬餘焚溺死者又無算

管保障但知思爲國憂虞端不欲求生至今崇烈常

輝

赫不盡其崇效節情拒之賊至其崇湖焚西門忠文

門

又馳救賊已入與之巷戰力不敵揮劍叱賊曰殺我無殺百姓賊自巷背刺忠文墮馬與從子秉昭罵

死賊

和九日遊清涼寺韻

佳景從來在上方勝遊漫逐紫薇郎感時未易論三

教書法誰能祖二王綠樹夾堤含野色清風撲面背
斜陽歸來應不怯殘暑緩步西郊晚更涼

和登靈應觀草亭韻

步入茆亭擁翠微野花騰艷蝶紛飛草滋宿雨秋仍
秀竹映斜陽晚更輝世事滿懷知幾是鄉關常夢覺
全非乘閒偶向此中慙不厭歸途月上衣

和溫江移渡志喜

墊次何當忽建郵舳艫先後泊沙頭却懷舊苦遭昏
墊爲喜今看任穩流山月隨人應可渡林花滿眼自
忘憂濟川元是吾儒事涉險須知念共舟

紅白梅

一榦亭亭植座隅，淺紅貞白足堪娛。
欲矜國色還施粉，爲愛霜容更點朱。
似雪有香清滿戶，認桃無葉錦盈株。
固知梅格非常卉，此種人間亦自孤。

挽卧廬劉先生吉水人

風節巖巖聳太山，此心真透利名關。
養中有道多成德，律已能嚴切訂頑。
文字只看留汗簡，聲名尚見滿塵寰。
宮牆數仞青霄上，幾似先生俎豆間。

挽黎尚書先生淳

一代聲華振士林，百年忽忽竟銷沉。
秀田南岳英姿

盡名在 中朝舊學深直節猶歸天下士清平不負
此生心總惟芻束無由致極目湘江擁碧岑

挽周尚書 瑄

望重 中朝被 寵私葵軒不負此心期憂民有疏
多時計投老無由爲後思 聖主贈褒耆舊盡士林
哀慟哲人萎元勲碩德歸何處莊懿新鐫道上碑

挽崔尚書

位遇當時荷 聖明歷敷中外樹芳聲思如何武通
齊楚名與山公等重輕老向桑榆敦薄俗忽看薤露
送佳城龜趺陳跡當前道歛衽空懷過客情

挽王司馬竑

正氣蕭蕭幾十年秀鍾山岳降生賢心於進退真無
愧身繫安危不偶然一斥空勞奸黨計孤忠自許
聖明憐平生英烈應難泯道左新碑與華肩

挽楊兵侍文寧

風裁稜稜擁矛冠奸諛見說膽猶寒本兵方籍籌邊
畧勿藥難求住世丹人物從今歸國論聲名自古重
儒官吊公不盡哀公思結髮當年解識韓

挽盛侍郎顥號冰壑

宦途夷險任驅馳中外聲名草木知白筆風生臺諫

疏甘棠德樹去思碑儀刑尚憶歸桑梓勲業誰將勒
鼎彝蒿里一聲英爽盡只餘冰壑副心期

挽新寧伯乃祖

膽畧縱橫 聖主知常驅白馬陣前騎忘身豈爲私
家計戰跡從教舉世奇誓重河山崇卹典禮嚴祭祀
賁 明時雲仍蟄蟄登朝著不負當年獨死綏

挽屠少司寇父

紛紛何處少遺民行義如公亦絕倫解縛肯容金謝
德遇荒常用粟分貧割田不但能存紀展墓寧忘獨
奉親遙想鄂陽山下路崇碑讀罷幾沾巾

挽屠少司寇母陸氏

系出宣公道德門母儀真不負魚軒成家豈但多慈
訓化盜湏知有治言紫誥重看加顯號幽堂忽見
賁殊恩獨餘剪髮傳桑梓袍笏繩繩起後昆

挽趙廷實都憲父

懿行誰傳太史名百年鼎鼎有餘馨黔江旅闕風
教友石生芻重典刑履道只知非異事仕途多見舊
橫經文江漫憶佳城處英氣纔看迈地靈

挽鄧侍講母

平生德範歸陶母錫號重承聖主恩白首忽看來

東川集卷之三
服坐春風從此謝魚軒教成有子名通籍身後何人
夢倚門遙憶楚歌招不起鄉閭多少哭聲吞

挽王編修父梅軒先生

李浦吾伊震一方東嘉今見鄭公鄉高風正好薰都
邑仙夢誰傳失俊良健筆尚留閒咏稿幽齋空有舊
書香詞林封誥平生志七尺新碑樹道傍

挽吳編修父可晚先生

薤露誰從吳下傳士林憔悴共淒然儀刑豈但追前
輩風範真堪啓後賢封典纔蒙明主誥哀歌忽
訝哲人仙昔年曾得床前拜空墜靈輶路幾千

挽王通政漢英父母

經濟才堪數獨竒贈官空累被 恩私事多義舉人
能誦位不時逢世自知繼志漫憐遺澤在育孤誰似
斷機慈由來積德天應報白髮方看鶴吊悲

挽御史

風采當時識繡衣甘棠猶繫郡人思誰從偃月能爲
計竟使荒陲不可醫舉案已違偕老願粧臺纔斷百
年悲獨憐天道終能定褒寵偏承 聖主私

挽陸叅政

杖節纔聞過故鄉士林忽慟哲人亡去思尚見封棠

樹奏疏空存舊皂囊閩嶺夜寒春欲到剡湖風急月
無光高才未究當時用不但門人憶負墻

挽王憲副父

三槐遺澤啓鍾王

其先族大鳴鍾而食時人號爲鍾王

教子榮

封沐

龍光隱德謾懷陶令菊家聲不愧鄭公鄉好看世俗
從風化何處天入夢長道左新碑高幾尺不堪陳
跡怨斜陽

鍾鼓聲沉鴛鴦班珮環

覲

天顏恩承

錫誥

應如海官領封銜欲動山投老莫酬君寵渥教兒
羸得此身閑有時堂上稱家慶埜服還同綵服斑

挽秦郎中父

淮海高風尚未湮，雲仍今復見斯人。
周貧不惜焚書券，授業常看禮縉紳。
正喜碧山成雅會，誰歌蒿里失遺民。
南湖留得平生稿，筆法名家欲逼真。

挽歐時舉庶吉士次韻

乾坤見說幾登仙，小住人間半百年。
淡墨名題華髮後，白楊聲急素帷前。
枕中誰記邯鄲夢，世上還知六一賢。
但使清風終不泯，死生何補客三千。

厭世新從地下郎，此生大半爲人忙。
儻來富貴真朝露，五十頭顱薄夕陽。
金地婦歸蒿里遠，木天名逐杏

園香龍門幸在同年後此日空懷笑語常

挽周太守

三十年来過赤城每從杖屨識韓荆名因白簡當時
重心爲斑斕去國輕荒裔尚存龔遂化清風剩有汝
南評束芻萬里無由致賦就哀歌寫不成

挽周太守正

道路深嗟薤露聲雲中還識舊時名作官不爲私家
計受寵無孤聖主明剩有英風師後輩誰將懿德
重鄉評爲公洒泣湘江上豈盡區區惜死生

挽劉主事父母

見說埋輪跡已陳餘聲猶振楚江濱
越人滿望隨車雨
槐夢俄摧有脚春
厚德寧同身世盡
恩光常逐歲華新
佳城鬱鬱河東上
合璧熒熒照翠珉

挽李主事母

家範從來說沭陽
栢舟誰獨誦共姜
箕裘不墜良人教
貞孝親承聖語揚
泉壤有靈心已慰
閨門何處德能忘
不堪翹首文江上
翠石烟籠樹道傍

挽林泉翁鄒處士忠公後

千載高風誦道鄉
雲仍誰許共流芳
孝思不逐年華變
義舉常看史筆揚
英爽忽隨朝露盡
烟波空有舊

書藏遙知懿德終難泯耿耿林泉百代光

挽耕讀居士

林仲璧父惠州同知

隱德元高月旦評不孤耕讀寄平生振窮寧蓄先年
券愛物猶存上世盟星暗碧天名處士會當洛社失
耆英傳家見說惟經訓膏澤于今滿惠城

挽華處士

處士人間幾浪名如君真應少微星高風畧見新刊
傳孝子猶餘舊典刑濟世有才歸範俗傳家無物勝
遺經何當一夜西風起爽氣居然返地靈

門閥南齊直到今高蹤亦許獨追尋方看隱德惇流

俗忽見哀歌震士林處世自教無忤物濟人常不惜
揮金錫山遺逸誰爲傳好尚應知共此心

挽撫松鄒處士

少微星暗碧天虛翠石空傳太史書事在鄉閭多義
舉心違朝市獨閒居粟輸要塞恩方渥善積兒孫
慶有餘生死從來如晝夜不禁丹旄引輜車

挽良惠沈氏醫士

御書良惠自明朝吳下醫名世獨超對證有方窮腠
理全生無意報瓊瑤龍池忽見開新兆橘井誰從拔
俗標多少感恩垂涕泣歌殘楚些未能招

次衡仲弟韻送大叔信之

綦冠博帶入門來聚首黃金舊築臺雲路平登緣力
致錦衣新製稱身裁會從客邸心偏喜話到家懷口
自開兒女滿前頻送酒淺深隨量不停杯由來詩酒
推渝郡今見鄉邦羨楚材寄語宗人更珍重聲名莫
使混蒿萊

聯句

清明與武翰長毛維之謁陵三十首

十五年來四謁

陵劉清塵今日幸叨承夢中山色

真歸眼

毛

市上烟光欲拂膺春滿綠楊疑帶雨劉寒

餘碧沼似涵冰不堪北郭吟行處毛撲面微風漸漸

增劉

春晚才看一出郊毛望中風景盡堪嘲鍾聲隱隱林

間寺劉鶴隻依依水畔巢萬歲山高橫紫氣毛諸

天宮迥苑仙茆登臨剩欲乘餘興劉不惜新詩手自

抄毛

茅檐小坐候朱衣劉時候武翰長未至共對春光思欲飛行

爲尋詩聊緩轡毛心因同志久忘機自憐倚玉來供

事劉誰向看山始覺非一笑乾坤能有幾毛清風千

載子陵磯劉

三月郊原草半青毛踏春此地幾回經詩篇愧未愁

花鳥劉人物疑曾望斗星不盡烟光供晚眺毛尚多

野韻可閒聽獨憐民瘼無由療劉誰爲披肝叩

帝扃毛

執鞭無計步清塵劉誰信詩壇舊有因望入碧山雲

欲暮毛坐移白日跡將陳尚疑約信應難背劉旋訪

行踪亦未真咫尺山城深樹裡毛笑談才覺喜津津

劉

山店鷄聲報午程毛猶餘幾舍到昌平滌煩不厭茶

浮碗劉聞險何妨句作城天外斜陽隨去鳥毛林間

暖日喚啼鶯共君緩步芳原上
劉未負看花舊日盟
毛

里社蕭條亦可矜
劉留心邦本問誰曾
驅牛幾處耕

荒壠
毛纈繭何人被綵繒
肉食深慙嫠婦慮
劉芹誠

何獨野人能東風佇立空搔首
毛醫國于今有折肱
劉

劉

山郭才臨日已昏
毛人家次第掩柴門
喜多風物祛

疲繭
劉故着詩篇博笑誼
枕畔松聲來萬壑
毛天邊

月色浸孤軒
南箕安得收餘虐
劉管取晴雲護

寢園
毛

入夜風聲撼樹號劉曉來晴色滿林臯好山當面如

相迓毛異卉侵眸似未遭天際片雲時出岫劉澗邊

古水暗生濤陵園地近多佳氣毛不盡揄揚付彩

毫劉

城外嵐光拂面來毛橋陵山勢鬱崔嵬駿奔最喜和

風暖劉龍馭還驚宿霧開翠擁廟門松萬古毛

碧涵澗道水重迴吟韉緩帶追趨地劉豐芭餘情不

易栽毛

萬疊峯巒拱帝陵劉千年瑞靄自層層松稍帶露

長驚鶴毛野幹撐空欲礙鷹依澗碧桃花爛熳劉拂

雲白石色峻嶒春來吟眺無窮思毛憂國懷鄉獨倍
增劉

祠殿岩巖積翠間毛遙瞻王氣出塵寰風雲似是

常圍護劉江海還同作帶灣萬歲皇圖供祀事武

幾回清廟綴朝班松陰相對徘徊久毛吟就新詩取

次刪劉

東風聯騎謁皇陵武野壟山腰不厭登緩步倦來

隨地坐劉狂吟興到任心增天晴百辟懽何極武地

古三春思不勝笑對青林如識我毛長看葵氣欲騰

騰劉

終日紅塵逐甚忙劉偶來山下一徜徉苔侵恠石春

含潤

毛

雨過荒城曉帶涼地拱

皇都多王氣

武

暖

回寒谷散幽香探奇我幸從公後

劉

拾

馬

新詩付錦

囊

毛

石林徐步路縈迴

毛

山屐從教半染苔生意慣看春

草綠

劉

閒情常愛野雲皚聊憑珠唾留行色

毛

慢把

花枝當酌杯

武

齋禁敢違昭假意

翠華如向九天

來

劉

涉級徐行路轉深

劉

溪山隨處愜幽尋鳥聲喚破塵

埃夢

毛

草色驚回客子心共喜日長吟麗句

武

尚疑

天近擁華簪松陰繚繞 祠壇近毛對越寧忘數正

襟劉

齋居清坐笑談餘武四首 承明憶直廬佳節許陪

陵寢奠

毛

勝遊不盡管毫書日斜窓外催歸近劉月

到天心盼蠻初武莫恠紀行多漫興幽探遠覽意何

如毛

倦思還應不礙詩毛何妨拈韻闢新奇落霞散綺天

開盡

劉

遠岫浮嵐地設帷景妙祗容心可會毛才高

誰說事難爲吟餘多少憂民念劉目擊閭閻力已疲

毛

誰勞野餽致殷勤劉也向詩壇共策勲火盡地爐茶

半冷毛香殘石鼎麝猶薰草侵堊徑迷幽處劉花隱

重崖出異芬勝槩滿前看不厭毛溪頭流水龍頭雲

劉

一番詩就一分題毛風景叢前思欲迷有鉢寧容齋

舍擊劉無囊可倩僕童携春深紅杏花如錦武月落

青山影似堤古木幾株欹道左劉夕陽何處鳥知棲

毛

衣冠整肅聽更籌武只尺祠壇夜正幽松杪喜看

新月上毛山頭常見瑞雲浮武塵心此地應消盡劉

野色無邊似挽留却憶重來何日是毛連床對壘得
同不劉

坐對青山興不窮毛漫懷拄笏市廛中獻奇可愛烟
雲度劉覽勝還驚笑語同古木橋邊聊繫馬毛

長陵臺上忽看鴻鍾聲陣陣穿林薄劉知是祠官謁

寢宮毛

假寐虛齋燭燃劉無端幽思正依然青山萬古藏

弓劍毛紫氣終朝繞霧烟殊谷尚懷文德劉

九重渾覺孝思懸試看歲歲脩時祀毛豈獨臣工效

揭虔劉

長陵祀罷欲三更

毛

策馬奔歸趁晚晴月色滿空如

設炬

劉

風聲遶樹似聞笙石橋緩度愁苔滑

毛

埜徑

長驅喜路平重向

穿碑亭下過

劉

虹光遙見斗間

橫

毛

露坐墻跟賦短篇

劉

看山餘興尚飄然松高欲礙雲

間月

毛

山合長騰樹杪烟鈴杵忽鳴將事候

劉

斗杓

初轉欲明天歸來十里坡陀路

毛

燈火依稀列馬前

劉

共乘晴旭促歸鞍

毛

百里誰云道路難村樹烟消宜

遠望

劉

野田蕪盡可長嘆花開欲趁清明雨

毛

春暮

原缺

之因約爲聯句博談笑是日遂得八首明日至陵
所從武翰長閒步松林石礪中復脩前約又得八
首薄暮恭候齋房及明日竣事歸又得十四首以
春之庸謫從事於宗工哲匠間雖極力拂拭終不
離瓦礫豈敢溷二公珠玉內固惟深自秘匿不暇
然二公盛作自當寶玩不可掩而春又以獲追陪
爲幸且吾三人者今日供事之遊不爲不盛繼此
不知能再偕否或寒暑雨暘又不知復有此興否
因通錄一過奉二先生復留一紙書笥他日退休
林下曝背茅檐間取觀焉則感時懷舊之情固繫

之矣

後五月初八日太宰邃菴少宰敬所看花於

左廂

幾日看花約未成賞心剛及雨初晴楊數枝何羨三

春艷一醉能令萬慮輕蔣坐接雅談皆可紀謾懷往

哲孰完名劉也知廊廟追趨地不盡先憂後樂情

楊

次韻

雅會乘閒偶爾成正便陰雨忽看晴花因亂放疑爭
麗水爲潛消覺漸輕怯暑未能深避感時不厭醉

鄉名却懷燕樂寧無自丘壑何容獨繫情

聞王師破群盜遂菴北潭於部堂考選

瀛海佳音次第來楊愁懷萬種一時開傳除克終見

歸神筭劉討賊還應屬將才楊潢潦無源看已涸

傳桑麻有地喜重栽劉盡銷兵甲真吾願楊志喜何

妨一舉杯傳

捷書交至快人心楊不但歡聲震士林劉聖主欲

開功賞宴傳將軍看奏凱還吟楊遺民在野重安堵

劉窮海瞻天一獻琛傳始信招降非至計楊

皇威到處坐成擒劉

送周甫敬守廉州

夏官聲價重留都楊綸命重看領郡符地接蒼梧

沾舊澤德夫人從合浦見還珠專城自古非輕授春

報國于今是壯圖薄海幾多無台好將甘雨

慰來蘇楊

爲郡寧辭嶺海南春海波仁澤雨相涵此行別有乘

桴興楊他日應留徙鯉談雲近蓬萊勞望眼德夫春

深蜃氣漫停驂

東川劉文簡公集卷之二十三

終